

որոնք բաց առած մի քանի քրդերենը մնացած-
ների բնակիչները Ատրբէջանի թաթարներ են: Գո-
րա արևմտեան եղերքից հոսում է Մագու գետը,
կամ Ագ-չայ, որ դուրս է գալիս Մագուայ ձորից:

Աւարայրի դաշտը գտնվում է $62^{\circ} 30'$, $62^{\circ} 45'$,
 $39^{\circ} 0'$, $38^{\circ} 45'$ լայնութեան և երկայնութեան
առտիճանների տակ: Աւարայրի դաշտի շուրջը բնակ-
վում են Ալալ-լահիք, կամ Գարադոյունցիք և
թաթարներ, կազմելով մօտ տասն երեք գիւղեր,
որոնց գլխաւոր տեղին է Ղարազեադին: Այդ սրբա-
զորձած դաշտի վերայ այժմ ոչ մի հայ չէ ապրում:

Աւարայրի դաշտի միջիցն է անցնում Տղմուտ
գետը, որ գլխաւորապէս սկսվում է Տաճկաստան-
տանի արևելեան սահմանագլխի Շաւարշ (Շաւա-
րէշ) լեռների հարաւային կողմերից և հոսելով
արևմուտքից դէպի արևելք, երկու հաւասար մա-
սերի բաժանելով Աւարայրի դաշտը, Մարիքենդ
գիւղի մօտ խառնվում է Կարմիր կամ Կօթուր գե-
տին և նորա հետ թափվում է Նրասխի մէջ Գա-
րաշամ գիւղի մօտից:

Աւաջուղը ընկնում է $62^{\circ} 0'$ $61^{\circ} 45'$, $39^{\circ} 30'$,
 $39^{\circ} 15'$ լայնութեան և երկայնութեան տակ, 7240
ոտնաչափ բարձրութեան վերայ: Արևմուտքից սահ-
մանակից Տաճկաստանի Չաղկոց (Ալատաղ) լեռան:

Աւաջուղը մի հրաշագեղ, զոգածև հովիտ է, կար-
ծես Գոգ-հովիտ գաւառի անուան կոչումը այդ հով-
տից առնուած լինի: Գորա վերայ շինված են